

國立同濟大學追悼郭德歆博士啟

MG

k825.46=6

48




3 1797 6898 5

逕啟者：本大學教授兼祕書長郭德歆（複村）博士，前以抗戰展開，協助校長，主持遷校，憂勞致疾，委頓日增。同人等敦促再三，始允養痾梓里，不幸於民國二十六年十一月二十七日逝世南昌。國難方殷，長才未展，當風雨飄搖之會，竟失鳴雞，正崎嶇險阻之時，遽摧驥足，賢勞追念，悲痛何如？本大學為紀念郭氏，以勵來者計，特組織本委員會，籌辦一切。爰於第一次會議中決定紀念辦法若干項，隨函奉陳，敬希賜教！並訂於本年六月二十六日在江西贛州本大學禮堂舉行追悼會，用誌哀思。所有哀輓文字，乞於六月二十四日以前寄交本會彙收，不勝感盼！

國立同濟大學籌備紀念故教授郭德歆博士委員會謹啟

附郭德歆博士行述暨紀念辦法各一份

六月一日



## 郭德歆博士行述

博士諱德歆，字複村，贛之永新人，祖蘭亭公，佐曾文正定洪楊亂，卜居南昌。父子信，孝廉，歷主湖北各縣篆，良醫循吏，鄂渚蜚聲。太夫人氏袁，有子四，博士其季也。幼奇慧，五齡受書，過目成誦，因是最得孝廉公歡。旋就學江西省立模範小學。辛亥冬，太夫人謝世，博士才十一齡，哀傷盡禮，與常童異。民國三年夏，入江西省立第一中學德文班，在校四年，均以最優成績獲免費待遇，算學及英德文字尤精。

七年秋，以江西官費入本大學。明年春，同濟德教授被遣返國，學校基礎動搖，乃改入北京工業大學，習電機，因不滿校長某氏舉措，憤而南下。九年春，返同濟，入工學院習電工機械。

十三年秋，以九十分以上之平均成績卒所業。蓋自博士就學以還，歷各級學校，凡試，未嘗列名第二也。

是年九月，應母校聘，任電工學助教，復從斐甯博士研究。嗣兼任同濟附屬高級中學算學教師。博士爲提高教學效率計，因採德國高級中學用書，參以本國，自編課本，綜合教授。凡諸幾何難題，輒示學生以三數答案，而指出其最合理，最簡捷之一法，學生之學業既大進，博士亦幾忘寢食矣。

十五年冬，國民革命軍克南昌，返贛，任江西中山大學講師兼事務主任，事無鉅細，一身任之，人或勸其節勞，笑而不答。十六年春，嗣母曾太夫人謝世，越明年夏，博士又賦悼亡。

先是博士以髫齡出嗣，嫡母曾太夫人，承歡盡孝，太夫人亦鍾愛如己出。十一年娶安福彭夫人鶯簧，國民黨名政論家彭仰未

(學湛)先生學珠也，秀美嫻靜，伉儷情篤。夫人有大志，居恆以未入大學爲憾。博士以太夫人需人奉養，不忍令夫人遠離，輒自課之。革命後頗思力成其學，適夫人病肺，日益綿篤，博士乃一意視疾，料量湯藥，看護起居，十閱月如一日。至是夫人終不起。博士疊遭鉅變，悲不自勝，作寄死者書若干通，都三四萬言，深夜輒自焚靈前爲祭，聞者心酸。家人以博士至性純篤，不忍勸阻，不料視病久，終染結核菌而不自覺也。

十七年秋，復返同濟任教職，閉戶讀書，學益精進。嘗手繪夫人小照，焚香默禱，謂第一部著作當獻於夫人之靈，又孰料遺著未刊，遽相從於地下耶！

廿一年秋，以德國洪寶獎學金暨同濟大學資送，赴德深造，入明興工業大學，專研電工及物理學，先後四年，仍以最優成績

獲免費待遇。二十三年秋發現變電器之圖解新法，爲學術上創見。是冬發表其論文於德國物理學報，該報爲斯學權威，近代大科學家愛斯坦氏之普通相對論即首先露佈於此者也，德國有名之科學論文摘要雜誌復加以轉載，其研究爲德國學術界所重視如此。

旋任中華留德學生會明興分會會長，領袖羣賢，對祖國前途，頗多貢獻。

廿五年夏，復以「高壓電衝擊對於水銀電弧之影響」論文應博士試，其情有足記者：是日博士依時入禮堂，至則蘇曼教授以次諸教授均在座。蘇氏唱名介紹畢，博士乃登台，首致謝詞，略述本問題之一般論據，諸教授頷其首，不以爲異。於是博士聲調漸趨高速，至最高峯乃提出其新結論，蘇氏首報以掌聲，諸教授始驚奇，不期而和者多人，間有歡呼者。博士膽愈壯，不自覺其言

之愈益流暢也。博士辭畢，諸教授退入一室，集議若干時，復出，蘇氏登台宣佈，詔博士曰：「君論文精密，有新發現，頃得教授會通過，應授君以本大學物理學博士暨工學博士，君其益加努力焉！」國人在德，能同時獲此兩學位者，以博士爲第一人云。

廿五年九月，以本大學電聘返國，任物理學教授，主持物理館，極爲同學所宗仰。理學院創辦計劃，亦多獲博士助。二十六年春對同濟組織制度之改進及中德籍教授之聘請，尤多所設計。

廿六年六月兼任本大學祕書長，手訂新組織系統，以完成本大學發展之基。校長翁叔泉博士，倚若左右手。七月初，蘆溝橋事變起，博士悲憤填膺，八月，滬戰迫於眉睫。博士協助校長，主持本大學遷移事，諸凡選擇新址，組設情報，擬訂計劃，策動遷運，均不辭艱苦，任以一身。本大學動產約值三百萬，在祕密



鎮定狀態下，作有秩序之移轉，博士苦心焦慮，廢寢忘餐者歷三十晝夜。抗戰以還，敵人蓄意破壞我國立各大學，本大學圖書機械，儀器標本，得擇要遷出，以維持今日之授課者，博士之功，當與本大學同其不朽矣。

博士於八月十二日夜，淞滬交通斷絕中，目覩最後一批校具起運後，始自其辦公室，孑然一身，間道來滬，所有私人服物及書籍著作，概未攜出。博士既悲國難，復痛校危，並惜其卅年以來心血結晶之學術著作，盡於兵燹，內心苦悶，可想而知。積勞之後，復襄助校長，出發浙東，勘察本大學新址，決定再遷計劃，於九月上旬始返滬。忽攫疾，初診類傷寒。時滬上抗戰方殷，醫藥兩感不便，本大學正從事遷徙金華，博士力疾從公，不遑甯處。九月杪，得孝廉公函，謂將親來診視。博士恐老父犯險遠征

，乃於十月初冒敵人之轟炸，由金華轉南昌，本大學師生，不期往送者數十人，豈意站台握別，卽同人與博士永訣之時耶！

博士返南昌後，日夕聞敵機聲，憤怒時形於色。十一月下旬，疾篤，始發現爲結核性腹膜炎，然已不及救矣！本大學師生，聞茲噩耗，雪涕漣如。

今春翁校長以博士功在大學，不可無所褒揚，乃聘定教務長薛星輝先生等若干人，組織本委員會，從事籌備永久紀念博士事宜。

博士貌清俊，性純孝，外曠溫文，內心熱烈，除電工物理造詣極深外，於學無所不窺，以遜清光緒二十六年（一九〇〇）六月十二日申時生，中華民國二十六年（一九三七）十一月二十七日戌時歿，享年三十有八。父孝廉公健在。兄三，長德彰，南昌地方

法院院長，次德丕，漢口既濟水電公司材料處處長，三德承，江  
西省政府建設廳第二科科长，一門鼎盛，并有聲於時。嗣子日齊  
，爲德承先生幼子。遺女日熙，方十七齡，學於大同大學附中，  
秀慧似博士。遺著科學論文，中國新打字機設計及中國方言音韻  
學等既毀於寇，日記，書札及在德著作，正搜求整理中。

茲者，追悼有期，謹述其行事於右，以俟並世立言之君子。

國立同濟大學籌備紀念故教授郭德歆博士委員會謹啓

# 紀念故教授郭德歆博士辦法草案

## A 臨時辦法

### 1 訂期開追悼會

## B 永久辦法

1 立碑 碑形仿貝倫子等紀念碑式，立於禮堂內外，視永久校舍情形而定。碑文另撰。

2 建築物題名 建議學校（一）將來物理館題名為德歆館，或於館內闢紀念教室。（二）將來建築同濟新村時劃出一區，題名「複村」。

3 生平事蹟編入校史 請祝元青先生擬稿，送請校史委員會編纂。

4 學辦德歆獎學金 發起募捐并彙集友朋欠歆爲獎學基金，下年度開始時暫定一名，每年獎金一百元。獎給物理系最優秀學生，詳細辦法另定之。

5 遺族教育 建議學校，如郭教授子女將來入同濟時免其學費  
6 刊行遺著 暫定出刊德歆紀念冊一種，內容分三部（一）本傳及遺著（二）友人科學論文（三）懷想錄（第三部份爲附錄）全部遺著俟搜集後再編專集。

7 懸像 建議學校，在禮堂或物理教室懸像

2  
772234  
7